



## “PINKY PROMISE”

Sondag 26 Januarie 2025, 09:00 @ Hoogland  
Genesis 15 & 17

### **Baie Welkom by vanoggend se Erediens!** **Mag jy tuis voel in die Geloofsfamilie van Hoogland**

Indien daar enige nuwe lidmate of besoekers is, die leraar(s) wil jou graag ontmoet. Kom maak asb. kennis, na afloop van die erediens, by die Gemeentedienste tafel in die Voorportaal.  
(By die hoofingang.)

Kontak gerus ook vir Annalize in die kerkkantoor (of kyk @ [www.pehoogland.co.za](http://www.pehoogland.co.za) onder EK WIL -> LIDMAAT WORD) sodat ons jou besonderhede kan kry en met jou kan kontak maak.

Neem gerus ook 'n “Nuwe Intrekkers” koevert in die brosjure vakkies.




## Program van die dag

09:00 Oggenddiens: Ds Pieter Nel

Hoogland het vanoggend die voorreg om twee babas te doop:

- Klara Botha, dogtertjie van Rico & Carla
- Roaldt Strydom, seuntjie van Ronnie & Roelien

10:00 GVG Opening & Ouerontmoeting



Deurkollekte: Bybelverspreiding

## Program vir die week

Sien gerus u 2025 Jaarprogram.



Snap here to pay

SnapScan

### Bankbesonderhede

NG Kerk PE Hoogland  
ABSA  
Rek - 1400 149 980  
Takkode - 632005



Zapper

## Hoogland Gebedsaksie

ONTHOU: Enige gebedsversoek kan vertroulik met 'n *WhatsApp* boodskap gestuur word na 079 815 9325.

## GVG Mentors 2025

**Dankie, Dankie, Dankie** - vir elke GVG Mentor wat kom aanmeld het!  
Dit getuig werklik van Geloof wat deur liefde tot daad oorgaan!

## Buffelfontein etekaartjies

Geloof wat deur liefde tot daad oorgaan:

Die borgskap wat maandeliks etekaartjies aan 'n paar Buffelfontein bejaardes besorg het, het in 2024 tot 'n einde gekom. Hoogland wil graag met hierdie inisiatief voortgaan deur donasies vir ete-kaartjies vanuit die gemeente te vra.

U is welkom om direk met Buffelfontein reëlings te tref hieroor (041 368 8434 - praat gerus met Christa) of maandeliks 'n donasie in Hoogland se rekening in te betaal met die duidelike verwysing: *BFontein etes*

Etekaartjies kos ongeveer R35 / ete.

Hoogland betaal reeds maandeliks die beskikbare bedrag, vir etekaartjies, oor.

Baie dankie vir elkeen wat reeds, op 'n gereelde basis 'n bydrae maak, ten opsigte van etekaartjies.

## Hoogland Noodspens

Hooglanders, wees 'n seën om ander te seën asseblief. Noodspens benodig dringend:

- **Toiletware:** tandepasta / seep / sjampoe
- **Nie - bederfbare kos:** *White Star* kits meliemeel pap / imana soya maalvleis pakkies / blikkies *baked beans*, vis (*tuna & pilchards*), ens / 2 min noedels / pasta / konfynt / suiker (250g) / grondboontjebotter / rys (1kg) / koffie / tee / *samp & beans* pakkies ens.
- **Toebroodjies:** opgemaak in pakkies van 4 snye elk. Hierdie broodjies moet asseblief reeds verpak word in sakkies. Daar kan ook iets soos bv. polonie/konfynt opgesit word.

# Doopkursus

@HOOGLAND

## OUERS & VOORNEMENDE OUERS

Indien ouers by Hoogland wil doop, of èrens van voorneme is om hul baba hier te kom doop, is 'n 4-weke doopkursus 'n vereiste.

**Volgende Doopkursus se datums is:**

**4, 11, 18, 25 Februarie**

Bespreek by Annalize in die kerkkantoor:

- Skakel - 041-367 1485
- Epos - [annalize@pehoogland.co.za](mailto:annalize@pehoogland.co.za)
- WhatsApp - 079 815 9325.

## WYN OP WOENSDAE



sáám op soek na geleefde wysheid oor:

## KODERING/ROBOTIKA/AI/ KUBERVEILIGHEID/ENS

18:30 - 20:00 @ Jeuglokaal, Hoogland  
(1 Isobellaan, Charlo)

(Koste: R50 pp/geleentheid -  
Wyn/Koffie & peuselhappie ingesluit)

**MOET Bespreek by 079 815 9325**  
WhatsApp jou naam & hoeveel persone

### 22 Januarie

Kodering & Robotika  
- waaroor gaan die bohaai in elke skool?  
Prof Jean Greyling

### 29 Januarie

"Artificial  
Intelligence:  
Friend or Foe?"  
Prof Bertram Haskins

### 5 Februarie

'The Impact of  
Technology on  
Healthcare'  
Dr Sue Petratos

### 12 Februarie

'Staying Safe in  
the Digital Age:  
Cybersecurity Tips'  
- Prof Lynn Fletcher  
& Prof Kerry-Lynn  
Thomson

## Wyn op Woensdae

29 Januarie 18:30

TEMA vir die aand:  
"AI" - jou vriend  
of vyand

Enige iemand is  
welkom - jy moet net  
bespreek!

'n Kenner op die  
gebied van  
kunsmatige  
intelligensie kom deel  
sy wysheid oor "AI".

## Uit die hart... Bozo, die olifant

Bozo was 'n beroemde Indiese olifant in Londen. Hy was 'n pragtige, geliefde dier - 'n grootse sagte homp van sagmoedigheid.

Een dag het hy skielik amok gemaak en op 'n klomp kinders afgestorm. Die sirkus eienaar het gewet dat Bozo, die olifant, nou gevaarlik geraak het en uitgesit moet word.

Op die vasgestelde dag was Bozo in sy hok en drie manne met gewere het na sy kop gemik. Maar kort voor die opdrag gegee is dat hulle moet skiet, het 'n vreemdeling na die sirkus eienaar gestap en gesê: “Meneer, hierdie is nie 'n slegte olifant nie. Gee my asseblief twee minute alleen in sy hok.”

Die eienaar het huiwerig ingestem. Die dapper man het in die hok ingegaan en in 'n vreemde taal liefdevol met die olifant gepraat. Hy het na hom gestap en sy slurp begin streef. Die olifant het sy slurp saggies om sy voete gesit, hom opgetel en weer versigtig neergesit.

Na 'n tydjie het die man uit die hok gestap en gesê: “Bozo behoort nou reg te wees. Jy sien, hy is 'n Indiese olifant en verstaan net een taal. Hy was net vol heimwee, verlang na iemand wat hom kon verstaan.”

(Die vreemdeling se naam was Rudyard Kipling, die beroemde skrywer van onder andere Jungle Book.)

Onthou, in ons Bozo-oomblikke van onsekerheid, oorgange, min verstaan, alleenheid of vrees, stap God rustig na ons toe deur Sy Woord en Gees en wat ons gerusstel. Hy is die Getroue wat ons nooit in die steek of alleen laat nie.

**Groete ... Pieter**